

Sanhgyangh: Youq Laeuzgyong Hwnj Dangz Lwnh Cingsaenz

三江：鼓楼讲堂传精神

12 nyied 18 hauh, Sanhgyangh Dungcuz Swciyen Gohgi Gunghmou Caeuq Sinsizva Giz daengz Dungzloz Myauzcuz Yangh Gveihhangh Cunh Mbanjmyauz Sanglij giz nda vunz senj dieg buen ranz youq, guh ngoenzdangj cawjdaez hozdung “geizdangj vix gou doxbaenaj, gou hawj geizdangj lai ronghsien”. Gyoengqde hwnj dangz laeuzgyong、boq venz caijdangz、diuq foux Dohyeh, son cingsaenz Baez Roek Cungh Daengxhoih Gaiq Cibgouj Aen Dangj caeuq cingsaenz Swcigih Daihcibngeih Baez Dangjdaivei, caemhcaiq lwnhrox gij cihsiz gohyoz ndaem ciengx、minzcuz doxgiet、fanj yaeuh gimq doeg daengj.

(Gungh Bujangh/龚普康)



Lungzswng: Lai Yiengh Hozdung Lwnh Vunzlai Rox Cingsaenz 龙胜：多种形式宣讲精神

12 nyied 18 hauh, Lungzswng Gak Cuz Swciyen Lungzswng Cin guh hozdung “yienj cezmuz lwnh vunzlai rox” caeuq “boux suhgi daeuz lwnh vunzlai rox” miz daegsaek, hagsib lwnhrox saedhengz gij cingsaenz Baez Roek Cungh Daengxhoih Gaiq Cibgouj Aen Dangj. Mwh guh hozdung, boux suhgi daeuz dangciengz lwnh、yienj vaiqbanj、yienj sam coenz buenq, lwnh vunzlai rox gij cingsaenz Baez Roek Cungh Daengxhoih Gaiq Cibgouj Aen Dangj.

(Banh Cisiengz/潘志祥 Yiz Giujci/余九志)

Yungzsuij: Aeu Go Myauz Ciengq Gok Cingsaenz Baez Roek Cungh Daengxhoih Gaiq Cibgouj Aen Dangj 融水：苗歌唱响党的十九届六中全会精神

12 nyied 19 hauh, Yungzsuij Myauzcuz Swciyen Senhconzbu comz gyoengqvunz Yungzsuij Myauzgoh Hezvei daengz Mbanjmyauz Mungvuh Gingjih lwnh vunzlai rox cingsaenz Baez Roek Cungh Daengxhoih Gaiq Cibgouj Aen Dangj. Doengh bouxlnh youq dieg cauheiz ndaw ranzvunz Myauzcuz、

gvangjangz aenvenz daengj, ciengq go Myauz, lwnh vunzlai rox cingsaenz Baez Roek Cungh Daengxhoih Gaiq Cibgouj Aen Dangj, haenhndei vunzlai diegbya Myauzcuz gvaq saedceij vuenyungz, yinx haujlai hekyouz daeuj yawj.

(Vuz Siujsuh/吴小舒)



Gojgaeq Dinj Minzcuz Doxgiet Baenaj Laeng Gvangjsih 广西民族团结进步小故事

“Canghyw Denhcinh” Ak Dangqmaz 神通广大的“天津医生”

1969 nienz 12 nyied 1 hauh, aen doihywbingsh “canghyw Denhcinh” ngamq daengz Yangzsoz Yen Gauhdenz Gunghse, couh nyi vunz lwnh miz boux gunghyinz muzgicangj ndeu gaiq ga deng gihgi gienj haeujbae, lwed lae mbouj dingz, haenq lailai. Aen doihywbingsh mbouj gangj gijmaz, couh ganj gvaqbae yw, dangseiz mbouj miz dienh、mbouj miz raemx、mbouj miz

soujsuzsiz、mbouj miz gaiqdawz aenyungh、mbouj miz lwed yungh, aen doihywbingsh caezsim gaprengz, gouq bouxsieng ndeidaug. Bouxsieng ndei le gvaqlaeng raen vunz couh lwnh, dwg “canghyw Denhcinh” gouq mingh de. 20 sigij roek caetcih nienzdaih, Yangzsoz Yen Gauhdenz Gunghse Veiswnghyen diuzgienh ywbingsh ca lailai, rugbingsh noix, caiqlij mbouj miz soujsuzsiz,

canghyw dangdieg cungj mbouj gamj hawj bouxbingh guh soujsuz, doengh boux bingh haenq mbouj ndaej gibseiz yw, cij deng caj dai. “Canghyw Denhcinh” daeuj le, caezsim gaprengz, okrengz okmaeuz, mbouj geij nanz couh hwnq baenz aen soujsuzsiz, miz mbangj boux bingh haenq mbouj yungh bae yihyen ndaw yienh, ndaej youq dangdieg guh soujsuz, vunzlai dangdieg ndaej fuengbienth lai. Vihliux coengh canghyw dangdieg gyaak dinfwngz, “canghyw Denhcinh” vanzlij banh le geij geiz bansonlienth “canghyw lohcin”, mbouj geij nanz, miz mbangj canghyw dangdieg hix gamj guh soujsuz lo.

(Gvangjsih Minzcuz Yenzgiu Cunghsinh hawj gauj)